

# Varga 2000 participonts als cuors dalla SFS

La Scuntrada e formaziun Surselva ha presentau il program da 2009/2010 e tratg bilanza

■ (anr/sb) Igl onn vargau han 2010 participonts visitau 28000 lecziuns tier la Scuntrada e formaziun Surselva (SFS). Cun il program da cuors tradizional e cun l'acquisiziun da lavur per tiazas persunas ha la SFS saviu seposiziunar aunc pli fetg sil marcau. Il program da cuors niev ei vasts ed interessants cun in tschuat cuors novs mo era tradiziunals – per mintgin enzatzegi. *Martin Mathiuet*, il gestiunari dalla Scuntrada e formaziun Surselva, ei perschadius che la SFS sto ir cul temps per haver success e seposiziunar vinavon sil marcau da scolaziun. «Igl ei buca sempel», ha el detg a caschun dall'orientaziun da medias che ha giu luog ier a Glion e menziunau ch'ei hagi gia dau pliras organizaziuns privatas che hagian concurrenzau la SFS, mo quellas hagian fatg naufragi cul temps. La SFS che porscha gia dapi 24 onns cuors e scolaziuns per carschi, affons e juvenils en Surselva sappi mo exister sco organizaziun da non-profit e grazia al sustegn da sponsurs fideivels. Igl onn vargau ha la SFS pia saviu beneventar bien 20 % daplì participonts als cuors. Aschia numnan il gestiunari e l'organisatura dils cuors *Daniela Albin* igl onn 2008/09 sco onn da success. Quei san els far sin fundament dalla buna participaziun e d'in augment remarcabel dalla sviulta per rodund 100 000 francs sin 300 000 francs. «Nus havein denton puspei investau quels daners e serraui il quen cun in deficit supportabel», ha *Martin Mathiuet* declarau.

## Novas structurass

Proximamein vegnan ils cudischets melen-als cul program da cuors niev repari ellas casadas en Surselva. Sin ina pagina gratulescha la SFS al maturand, las duas maturandas ed allas diplomandas e diplomands cun notas da rang. «Quei sco segn da renconuschientscha e per mussar ch'ins sa era far fetg bunas notas en Surselva», ha *Martin Mathiuet* puntau. Per che quei reusseschi drova ei denton ina



Daniela Albin, l'organisatura dils cuors SFS, ed il gestiunari dalla SFS, Martin Mathiuet, presentan il niev program da cuors.

FOTO S. BEARTH

buna porschida e bunas structurass. Il zercladur ha il parlament regiunal dalla Surselva fullau via per la formaziun ella regiun. El ha acceptau la proposta dalla surprastonza regiunala da surpender il puradi dalla scola mercantila Surselva, dalla scola professunala Surselva e dalla scola vinavon. «Cun quei pass han ins dau gisch verda per in Center da formaziun Surselva a Glion», scriva *Martin Mathiuet* en siu plaid d'introduziun dil

program dalla SFS. Sper las scolas numnadas seigi ei era previu d'integrar en quell'organizaziun la scola da musica ed il Surveysch logopedic Surselva. Quella restrukturaziun dueigi rinforzar la Surselva sco regiun da scolaziun e da formaziun. En vesta alla diglen dil diember da scolar ella regiun reusseschi quei denton mo cun recutar scolar d'ordeifer la Surselva. La scola vinavon e la scola claustrala da Mustér fan gia oz quei. Cugl em-

prem da schaner 2010 dat ei era in'adattaziun dallas structurass tier la SFS. Sco atgna uniun duei ella haver in corpus giuridic e daventar independenta dalla Lia Rumantscha. Sco *Martin Mathiuet* ha tradiu vegn il num a restar il medem ed era la porschida vegn a restar pli u meins la medema. Ei vegni denton discutau d'eventualmein surpender novas incumbensas sco per exempel l'economisaziun dalla cultura. Sch'el vegni a restar gesti-

nari dalla SFS ni sch'enzatzgi auter vegni a trer ils fils el futur seigi aunc tema da discussiun. Igl SFS vul ir cul temps e perquei vegni ei dau gronda peisa d'introducir ed integrar docents e referents juvenils per garantir a mesalingua ed a lingua vesta ina cuntinuitad dalla qualitat.

## Program 2009/10

Ils seminaris d'economia ch'igl SFS organisescha dapi treis onns ensemen cugl Agid svizzer per las Muntognas, la Regiun Surselva e Regiun Grischun Central ein fetg dumandai. Sper il seminaris introductiv vegn porschiu uonn quatter moduls e quei en Surselva, a Sürmir, en Purtenza ed ell'Engiadina. «Igl ei ina porschida attractiva e pura promozion dall'economia», ha *Martin Mathiuet* detg e declarau ch'il seminaris da dus dis cuosti mo 300 francs per participont enstagl dils cuosts effectivs da 2000 francs. Plirs participonts hagian gia fundau in'atgna fatschenta. Sco ver pegliass numna il gestiunari ils cuors da romontsch, ei detti numnadamein varga 80 cuors ad onn el Grischun. Daniev vegn era porschiu in cuors per familias. Dapi igl onn vargau porscha la SFS cuors da rumantsch grischun (rg) per geniturs d'affons che emperand rg en scola. Per incumbensa dil center da lavur regiunal a Glion (RAV) organisescha la SFS duront treis jamnas al meins cuors da tudestg per disoccupai. Plinavon han 40 affons en differents vitgs frequentau il cuors da scriver cun tastatura. Vinavon el program ein era ils cuors d'instrucziun supplementara e preparaziun individuala per examens da recepziun per juniors. Quels cuors ein fetg dumandai ed igl onn vargau ha la SFS saviu notar in grond augment da participonts. Sper la porschida vasta da cuors tradiziunals offerescha la SFS cuors da tudestg per firmas cun luvrens digl exteriur, cuors da squash per affons, cuors da perfeziunament da flettar, cuors da saltar e bia auter.

# Dalla planira egl uaul da muntogna

Scolaras e scolar da Münster en Germania lavuran egl uaul a Mustér

DA HANS HUONDER / ANR

■ 35 scolaras e scolar dalla scola privata Waldorf a Münster en Germania lavuran dapresent egl uaul a Mustér. Lur engaschi vegn coordinaus entras la «Bildungswerkstatt Bergwald», in'instituziun svizra ch'emproma da confruntar la gileud cun igl intent e la funcziun digl uaul. Ellas regiuns muntagnardas ei igl uaul numnadamein buca mo furnitur da lenna ni luog da recuvrada. Cheu fuorma el era la protecciun per biaras territoris habitai e per colligiatiun dil traffic. Per ch'el sappi ademplir quella funcziun sto el era vegnir igraus e regiuvinaus. Cass cuntrari piarda el sia impurtonta substanzia per ademplir las funcziuns. Quei pensem pretenda dallas vischnauncas grond engaschament e senza sustegn finanziel dil cantun e dalla confederaziun savessen ellas buca exequir las lavurs necessarias. Per che quei engaschi finanziel dil maun public sappi vegnir giustificaus, eis ei impurtont che la populaziun ella bassa enconuschi la situaziun. Dis ed jamnas da lavur dils affons, juvenils e carschi egl uaul da muntogna gidan a migliurar quella schientscha.

## Pinar lenna e sanar truts

Las scolaras ed ils scolar da Münster en Germania che lavuran il mument a Mustér, emperand d'enconuscher plirs secturs dalla lavur d'uaul. «La finamira da quels engaschi ei segiramein da

prestar lavur, mo lu era da rinforzar il process intern dils juvenils. Quei vul dir migliurar la competenz personala ed il senn per la collaboraziun. Els duein medemamein sentir ils cunfins corporals en connex cun in tal engaschi. Ina tala experienscha san els buca far ella stanza da scola», di *Steffi Klatt* da Freising en Baviera. Ella ei menadra d'ina gruppa da lavur duront igl engaschi da diesch dis a Mustér. Igl engaschi da lavur egl uaul da muntogna duei buca mo esser ina nova experienscha pils juvenils ella vegliadegna da 14 e 15 onns, mo bein era promover novas amicezias: «Nus fagein gruppas da lavur ed en quellas lavuran buca adina mo quels ch'ei schiglioc gia bia ensemen. Cheu vegn in e scadin confruntaus in cun l'auter. Quei promova la cuminanza.» En lur temps da lavur a Mustér saneschan ils juvenils truts e sendas, prestan lavur da regiuvinaziun ed emperand era da pinar lenna. Els ein denton era engaschi ella rumida da roma en in luog nua ch'igl ei vegniu pinau lenna ed ultra da quei s'engaschan els en favur dalla realisaziun d'in biotop niev. «En in cuort temps emperand nus d'enconuscher in grond spectrum dalla lavur egl uaul. Quei ei interessant ed instructiv», di la menadra *Steffi Klatt* ch'ei da professun inschigniera forestala e pedagoga d'ambient. Las lavurs dalla gruppa tudestga egl uaul a Mustér vegnan coordinadas dil forester communal *Werner Müller*. «Nus savein secapescha bien



Ina dallas tschun gruppas dalla scola da Waldorf a Münster en Germania che lavuran dapresent egl uaul da Mustér. Els han il privilegi da luvrar en in luog cun bellezia panorama.

FOTOS H. HUONDER

grau per quei sustegn. Duront ils diesch dis d'engaschi prestan ils juvenils bia buna lavur en favur da nies uaul.»

## Emprender dils Svizzers

La «Bildungswerkstatt Bergwald» ei ina instituziun svizra che porscha engaschaments da lavur e scolaziun ad affons e carschi. Ella offerescha fuormas d'emperand ch'ei buca pusseivlas en scola. Dil cunteng ennuv tracta ei in emperma lingia da lavur da formaziun ecologica e sociala per in svilup persistent. Quei model che porscha ina completaziun dalla materia e dall'instrucziun da scola exista en quella fuorma buca en Germania. Leu ein ins denton lundervi da realisar in'instituziun semeglianta. «Ils emperans pass ein fats egl emperans engaschaments ein organisai. Nus savein ussa secapescha profitar dall'experienscha fatga ils davos 15 onns en Svizra sin quei sectur», di *Steffi Klatt* ch'ei ina dallas iniziandas dall'organizaziun en Germania. Ella s'engascha dapi ogt onns ella «Bildungswerkstatt Bergwald» e vesa che quei engaschi colligia e promova la schientscha per la muntada digl uaul e digl ambient en general. Ils diesch dis da lur dimora a Mustér prestan ils juvenils denton buca mo in engaschi egl uaul. In'excursiun alla tgina dil Rein ed ulteriur divertiment stattan medemamein sil program. Per la lavur egl uaul ein els plein fiug e flomma. «Nus havein cheu ina classa fetg iniziativa e plein forza», accentuescha la menadra *Steffi Klatt*.